

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 1 de agosto de 2007, da Secretaría Xeral de Comunicación, de modificación do disposto na Resolución do 22 de maio de 2006 pola que se crean determinados ficheiros de datos de carácter persoal da Compañía de Radio-Televisión de Galicia (CRTVG) e das súas sociedades (Radiotelevisión Galicia, S.A. e Televisión de Galicia, S.A.), publicada no Diario Oficial de Galicia nº 125, do 30 de xuño de 2006.

En cumprimento das consideracións efectuadas pola Axencia Española de Protección de Datos,

RESOLVO:

Primeiro.-Trasladar o ficheiro denominado Socios do Xabarán Club, que foi incluído por erro como ficheiro de nova creación da *Televisión de Galicia, S.A.* no anexo II da citada Resolución do 22 de maio de 2006, pasando este contido ao anexo I, como ficheiro de nova creación da CRTVG.

Segundo.-Deixar sen efecto o contido dos anexos II e III da precitada Resolución do 22 de maio de 2006.

Santiago de Compostela, 1 de agosto de 2007.

P.D. (Disposición adicional 2ª
do Decreto 44/2006, do 2 de marzo)
Fernando Salgado García
Secretario xeral de Comunicación

CONSELLERÍA DE INNOVACIÓN E INDUSTRIA

Orde do 3 de agosto de 2007 pola que se crean os ficheiros de datos de carácter persoal correspondentes ao portal de internacionalización ByGalicia da Consellería de Innovación e Industria.

A Lei orgánica 15/1999, do 13 de decembro, de protección de datos de carácter persoal (BOE nº 298, do 14 de decembro), regula o tratamento de datos de carácter persoal rexistrados en soportes físicos, así como o uso posterior destes datos polos sectores público e privado. A finalidade desta regulación é protexer os dereitos fundamentais das persoas físicas e especialmente o seu honor e intimidade, tanto persoal como familiar.

A devadita lei, no seu artigo 20.1º dispón que a creación, modificación ou supresión dos ficheiros das administracións públicas só poderá facerse por medio

dunha disposición xeral publicada no BOE ou no diario oficial correspondente.

A Consellería de Innovación e Industria, a través da Dirección Xeral de Promoción Industrial e Sociedade da Información, conta entre as súas atribucións as que corresponden á planificación, coordinación, execución e seguimento das accións e liñas de apoio, que en política e materia de internacionalización e comercio exterior, establece e dirixe cara á empresa e ao tecido industrial da comunidade autónoma.

Con esta finalidade preténdese implantar unha ferramenta chamada portal de internacionalización das empresas galegas, en que se centralizará a información relevante relativa ao comercio exterior e a procesos de internacionalización.

En consecuencia, en virtude das facultades conferidas polo artigo 34.6º da Lei 1/1983, do 22 de febreiro, reguladora da Xunta de Galicia e da súa Presidencia, modificada parcialmente pola Lei 11/1998, do 20 de outubro,

DISPOÑO:

Artigo 1º.-Obxecto.

Mediante a presente orde, a Consellería de Innovación e Industria crea os ficheiros automatizados de datos de carácter persoal correspondentes ao desenvolvemento do portal de internacionalización ByGalicia.

Artigo 2º.-Contido.

A información exixida no artigo 20.2º da Lei orgánica 15/1999, do 13 de decembro, de protección de datos de carácter persoal para as disposicións de creación de ficheiros, está contida no anexo desta orde para os ficheiros que se crean.

Artigo 3º.-Finalidade e usos dos ficheiros.

Os datos de carácter persoal rexistrados nestes ficheiros automatizados da Consellería de Innovación e Industria creado por esta orde só serán utilizados para os fins expresamente previstos no anexo e por persoal debidamente autorizado.

Artigo 4º.-Cesión de datos.

No suposto de cesión de datos ás administracións públicas, aplicárase o disposto na Lei orgánica 15/1999, do 13 de decembro, de protección de datos de carácter persoal e demais normativa vixente na materia.

Artigo 5º.-Medidas de seguridade.

As medidas de seguridade dos ficheiros, en función do nivel en que estes se clasifican, están especificadas no correspondente documento de seguridade.

Disposición derradeira

A presente orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 3 de agosto de 2007.

Fernando Xabier Blanco Álvarez
Conselleiro de Innovación e Industria